

# مشتاقنامه

## صراط

۱۳۲۶

طبعه و محل اداره :

دهال اوغلنده امنیت  
سندونی جوارنده  
شنکول یقوشنده  
۲۵ نومبر

سلک زده موافق آثار  
جدیده مع المنونیه  
قبول اولنور

درج ایدله بن آثار اطاده اولنور

ریس ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و رشوه اسلامیه بحث ایندرو هفته ده بر نشر اولنور.

صاحب و مؤسسلری :

ابوالعلا زین العابدین - ح . اشرف ادیب  
تاریخ تأسیسی

۱۰ تموز ۳۲۴

آبونه بدلی

در سعادتده نسخه سی ۵۰ یاره در  
قیرله دن مقوا بورو ایله کوندریله برسه سنوی  
۲۰ غروش فضله آلنور

| سنه لکی            | التی آیلانی | غروش |
|--------------------|-------------|------|
| مالک عثمانیه ایچون | ۶۵          | ۳۵   |
| روسیه              | ۶۵          | ۳۵   |
| ساتر مالک اجنبیه   | ۱۷          | ۹    |

عدد : ۱۸۲

۱۱ ربیع الاول ۱۳۳۰ پنجشنبه

۱۶ شباط ۱۳۲۷

یدنجی جلد

مطالبه لرینه مظهر اولدیغیچون مؤخرأ (ایس السلاطین) تسمیه ایتشدیر. مقدمه سی اسماء حسنی شرحیه موشح خاتمه سی صلواة رسول کبریا ایله مزین در. آرا لرندکی اللی آلتی باده دخی اخلاق حسنه و ردیه نک فوائد و مضراتندن باحث اولوب سلطان سلیمان قاتونی نامه یازلمشدر. نسخهلری استانبول کتبخانه لرینک بعضیلرند و اردر. برنسخه سیده کتبخانه عاجزی بی تزیین ایتمکده در.

(٣) (سليم نامه) بر جلد کبير اوزره مرتب اولان بواثر یاووز سلطان سليم حضرت تليزینک غزواتی مبین اولوب اوغلو خطیه محرر بر نسخه سی (موزه عثمانی) کتبخانه سنده و اردر. (٤) (نشانی مخلصی دیوانچه): طرز اشعاری عاشقانه و حکیمانه در ایاتندن:

فن عشقه باشلادم دقتله کوردم نیجه باب  
متنی درد وفصلی هجران ایله دولمش بر کتاب

(٥) (ترجمة معارج النبوة فی معارج الفتوة) اصل اثر افاضل امتدن (منلا مسکین) شهرتیه بنام (معین الحاج محمد الفواهی) نک تواریخ انبیا و سیر حبیب کبریا دن باحث فارسی العبارة اثر مشهوری اولوب صاحب ترجمه مصطفی بک طرفندن (دلائل النبوة المحمدی و شمائل الفتوة الاحمدی) اسمیه و (١٠٣٣) ده مصرده وفات ایدن فضلا ی عثمانیه دن (اسکونی آلتی پارماق محمد افندی) طرفندن ده اسم اصلیه ترجمه اولونمشدر که ایکنجی ترجمه مطبوع اولدیغیچون مشهور و متداولدر. روسه لی

محمد طاهر بن رفعت

## افغانستان

### امیر عبدالرحمن خان

ما بعد

بودنبره قارشیمزه بر گروه چیقوب بزه تعرضه قالقشدی، لکن تفنکار مزنی المزه آلوب مقابلهیه تصدی ایتدیکمز کی دایانامایوب صاووشدی. بوتهلکدی آنلادقندن صکره بر قاج فرسخ یول قطع ایتشد که بزم سواریلر ایله عجمه مه راست کلدک. برلکده یورو یوب دیگر بر طاغی آشمایه چالشیرکن بر آز اولکی معترضلردن ایکی یوز سواری سدرامه زاولق ایسته دی. بز، شمدیلک اوچیوز کشیک بر قوه بولوندیغمز ایچین پیاده اولارق حربه حاضر لاندق. فقط قبل المصادمه بلا سبب قان دوکولمه مه سنی تکلیف ایتدم.

— سز، بزدن بش کشی بی یارالادیکز. اونلرک انتقامنی آلاچمز

دیدیلر.

بونک اوزرینه معیتمی اوچ قسمة آیردم. ایکسینی صاغ وصولده کی مرتفع موقعلره کونده ردم. اوچنجی قسم ایله ده دشمنه قارشى طوردم. اوچ آتش آراسنده قالان سواریلر قاجایه مجبور اولدیلر.

تکرار یوله چیقدق. چوق کچمهدی (وزیری) ولایتک (مرعه) اسمنده کی قلعه سی کوروندی. عجمه اورا اهالیسنى طانی دینی ایچین بر مکتوب یازوب قلاووز مزله یوللادی. بر آز صوکرآ یوز سواری ایله بیک قدر پیاده داوول زورنا چالهرق استقبال مزه چیقدی.

مرعه ده ایکی کون مسافر اولدق. بزه یمک، حیوانلر مزه اوت ویردیلر. اصرار ایتدیکمز حالده پاره ده آلمادیلر. عبدالرحیم خانک اوغلی عبدالله خان، یاننده کی ایکیوز آلتونی بکا ویرمشدی که فشنگلکده صاقلانیدی ایچین سیم سیاه اولمشدی. اولانجه نقد مزده بونلردن عبارت ایدی.

اورادن حرکتله دیگر بر مجلسه نازل اولدق. آلدیغمز لوازمک بدلی عبدالله خانک آلتونلرندن ویرمک ایسته دم. سیاه! دیه آلمادیلر. بزم (شیرخانک) بیک روبیه سی اولدیغی اوکرندم.

— آلتونلری روبیه ایله دکیشدیرم، دیدم.

— او، آلتونلری سزدن آلمالرسه بندن ناصل قبول ایده رلر. دیه تکلیفی قبول ایلمه دی. روبیه لری زورله آلمایه مجبور اولدم. مقابلنده ده یوز آلتون ویردم. بوروبیه لرله لازم کلن شیرلی اشترا ایتدم. ایکی کون صوکر (آدم خان وزیری) نک قلعه سنه واصل اولدق. مشارالیه بزى حسن صورتله قبول ایله دی. کیجه نی اونک قلعه سنده کچیردک. ایرتسی کونی باشقه بر قلعه یه اوغراق. اورانک اهالیسی ده بزى مسافر ایتدی. صوکرآ افغان قطع مسنک نهایتنده و هندوستان خطه سنک حدودینه یاقین بولونان (داوه) قلعه سنه کلدک. بوزغونلغمزدن (وزیری) اراضی سنه کلنجه یه قدر یمک یمه دیکم جهتله ارقداش لرمدن برینک مالک اولدینی بر روبیه ایله ات، صوغان، باغ آلوب پشیرمک ایستلیدی. بزم تجره مز اولمادیغی کی مسافر اولدیغمز قلعه اهالیسی ده جانا ق، چوملک، قوللانیوردی. اوزون اوزون شحردن صوکرآ بر ده بیر تجره بولوب اتک بر بارچه سنی ایچنده بشرمه یه، بر بارچه سنی ده کباب یا یمه یه باشلادیلر، اوچ ده کمنکی بر برینه باغلا یوب تجره یی ده بر ایله اورتالرینه آصق صورتیه آتشک اوزرینه قویمشلردی. تمام ات پیشوبده ایلدیردیکمز و ایچندن مطبوخی چیقاراجغمز صیره ده بر کوپک کلدی. تجره یه باغلی اولوب اوچی یرده یاتان ایی باغرساق ظنیه یا قالا یوب قاجدی تجره یی ده برابر سورو کله دی. آرقه سندن قوشدیلر سه ده تجره ده دوریلش اتلرده دوکولوب کیتمشدی. فسبحاناه! اوچ کون اولی مطبخ طاقلرمی بیک دوه طاشیدینی حالده بوکونلک غدای حاوی اولان تجره یی بر کوپک سورو کله یوردی. ناچار قورو اکمله اکتفا ایدهرک یاتدم.

§

عجمه مک (جاجی) و (خوست) ه کوندرمش اولدینی (سردار محمدخان) قرق سواری (جنرال علی عسکر خان) ایله داوه قلعه سنده بزه قاووشدیلر. بر قاج کون صوکره قربان بایرامی اولدی. داوه اهالیسی

بخشنامه بونلره اجرای تأثیرک یوللری ، جدل ، مغالطه ، سفسطه  
بخشنامه بونلره اجرا ایدیلن انواع تللیس شرح اولونور و بونلره دائر  
بر چوق مثاللر ایراد ایدیلیر . طلبه ، بوبابده جرائدک مناظر اتندن  
- استادک ارشاد و تنبیله - امثله استخراجیه مکلف طوتولور .

### مناظره و آداب بحث

بزم علمای معقولنر؛ فن آداب البحث اصطلاحاتی ، مناظره لرنده ،  
- متناظرینک آنک اوزرینه اتفاقلرینه مبنی - منطق اصطلاحلری  
قوللاندقلری کی قوللانیلرلر ایدی : سند ، منع ، نقض ، معارضه  
لفظلری کی ، آرتق بوکون بونلری کیمسه قوللانیلور کی در . لکن  
اربابنه قوه و بصیرتجه فائده مند اولدیغیچون امثله ایله ایضاح اولونه رق  
اوقونور .

#### صنف دعاة

صنف دعاة بالفعل مناظره یه آلتدیریلیر ، تمرین ایتدیریلیر . شویله که :  
طلبه دن بعضیلری ملاحده یا خود نصار آنک اسلام علیه ایراد ایتدیکی  
بعض شهباتی جمع ایله آرقداشلریله بوبابده مناظره ایدرلر و هر برلری  
بعضاً سائل و بعضاً معلل موقعنده بولونورلر . مورود شهبات ، ادخار  
اولونماز ؛ تا که اربابنک عبارده ادب و نزاهتی محافظه ایتک اوزره  
طوتدقلری نحو اوزره تقریری نائل وسعت اولسون : ابراهیم علیه و علی  
آله الصلاة والسلام ( رب ) لفظی ، اثبات توحیدی تمهیداً کوبه ،  
قره ، شمس اطلاق ایتشدیر . اثنای مناظره ده اسلامک مدافعه سنی و یا  
اسلامه دعوتی درعهده ایدن ، دیکرینک شهبه لری بردن و یا کنندی  
مدعاسنی اثباتدن اظهار عجز ایدرسه حکم ، مسأله ده حق اولان جهتی  
بیان ایله حکمی سوبلر .

### علم نفس - حکمت عقلیه

بو ایکی علم ، مسائل حکمای متأخرینک کتابلرندن اقتباس اولنسه  
بیله اسلوب و طریقت صوفیه اوزره اوقونور . اسلوب و طریقت صوفیه دن  
مراد ، نفسی ، کمال اوزره ؛ عقلی ، استقلال اوزره تربیه یه معین  
اولان اسلوبدر . اوله که : مسائل ، طالبه ، آنی امراض نفس و عقلدن  
سالم ، آنلرک صحتی ایله متمتع ، آنلری ماخلق لهنده استعمال نعمته  
مظهر ایدن جناب حقه عرض شکران ایده رکدن طاقت و امکانه کوره  
بونلره سماء کماله عارج اولمنی مطالبه ایدر صورتده توجه اولونورلر ،  
یوقسه لوح دماغده خیالنه ، صحائف مطبوعانده انظار ناسه ، یا خود  
مجالسده استماع خلقه عرض ایتدیکی زمان صاحبی متمتع ایده جک صورتلر  
ترسیمنی دیله بنلرک توجیهی اوزره ذکل . . .

بونلرک هر ایکسنک مقدمه سنده متقدمینک بو خصوصده واصل  
اولدینی درجه اطلاعت خلاصه سی ذکر اولونور : حواس باطنه حقیقده کی  
سوزلری ، حس مشترک ، حافظه و واهمه حقیقده ذکر ایتدکلری شیلر  
کی ، مابعدی وار

نمازدن سوکرا بزمه بایز املاشایه کلدی حسن قبول کوستروب کندیلرینه  
شکر ، طاعتی اکرام ایتدم .

عددمز آلتی یوزی بولدینی و مصرمز زیاده اولدینی جهته خیلی  
صیقتی چکیوزدم . برکت ویرسین که عبدالرحیم خانک خادمی کابلدن پیاده  
اوله رق کلدی وایکی بیگ اشرفی آلتونی کتیردی که بوندن نه قدر ممنون  
اولدینمی و خادم وفاکاره نه درجه منتدار قالدینمی تعریف ایدم .

بو آدم ، اسکیدن عبدالرحیم خانک خزینه داری اولوب افندیسنک  
معاونته قوشمش وایاق قایسی اولمادینی ایچین بارچه بارچه اولان ایاقلرینه  
کچه صارمشدی . کابله عودته عبدالرحیم خانک عائله سنه خدمت ایله مک  
اوزره اذن ایسته دی . کندیسنه بر آت ویرمک آرزو ایتدمسه ده  
بزه لزومی اوله جنی مطالعه سیله قبول ایله مه دی . یایان اوله رق یوله چیقدی .

اشرفیلری ۲۰۰۰۰ روپیّه ایله تبدیل ایدرک بیه جک ، کیه جک شیلره  
بعض ادویه صائین آلدیم . بوصیراده ( بنو ) و ( بساور ) ده بولونان  
انکلز مأمورلرندن عجمه مه بر مکتوب کلدی ، که داوده یچین طور دیغمز  
وینه انکلز ممالکنه کچه دیکمز صورولویوردی .

عجمه ( هندوستان والیسی بر دعوتنامه کونده ریر ویزی ( سند )  
صویندن اوتیه طرفه کچه مه یه جکنی تعهد ایده رسه اووقت کلیرز ) مألنده  
بر جواب یازوب تحتم ایله دکن سوکره بنده مهرله مه می سوبله دی .  
اعتراض ایدرک

- بن هیچ بروقت انکلزلردن دوستلق کورمه دم . اوله کوردیککز  
لاقدی یه مقابل ینه اولنره اعتماد کوستره بیله جکسه کز یالکزجه تشریف  
بو یوروکز . کچنکی هند سفرندن عودتکزده انکلزلردن بر چوق شکایتده  
بولونویوردیکز . شیمدی فکرکز نه دن ده کیشدی ؟ دیدم . عجمه :  
- بنم فکرم ده کیشمه دی . هندوستانه کیتمک املنده ده دکم . فقط  
مراسلات ایله کندیمه مشغولیت بولق ایسته یورم ، جوابی ویردی .  
سز یالان سوبلکی مشغولیت تلقی ایدیورسکز . بویا بر شی دکلدر .  
اونلرک تحت تابعیتنه کیره مه جکلرینی آچیقندن آچیه سوبله یکز دیدم .  
نهایت ، بنم تصویب ایتدیکم طرزده بر جواب یازیلدی . صفت رسمیم  
اولمادینی ایچون کاغدی مهرله مک بکا دوشمز دیدم . عجمه مک جانی  
صیقلدی . بنده حدتله نوب مهرمی قیردم .

### ظاهر المولوی

### ( الدعوة والارشاد ) ده اصول تدریس

مابعد

منطق

منطقلرک تعلیمنده امثله نک حرف ایله ایرادندن اجتناب اولونور ،  
اکثر امثله نک وجود یاتدن و اقلک نظریاتدن اولسی آرائیر . استقراء  
تمثیل و سائر مواد قیاس مباحثنده التزام تفصیل اولونور . باب البرهانه  
نخطاً حس بیان ایدیلیر ، وینه « تواتر » و شروطی ، و ناسک « تواتر »  
اولدینی جالده تواتر عد ایتدکلری شیلر تحریر اولونور . خطابت و شعر